

戊午種仲

助日  
麟  
醜  
秀




沈秉成題



昭陵碑攷序

士生千載下欲稽古而尙友經與史尙矣然經之作  
 也詳理而略事史事詳矣而秉筆者或得之追述或  
 本諸傳聞代遠年湮久且失實求所爲身與事值信  
 而可徵者鑠哉惟金石之文乎吾友孫子桂珊博學  
 好古之士工篆隸丹青尤精八法于三墳五典諸子  
 百家之書靡不流覽貫通識其大要有持鼎彝盤盂  
 諸古器就正者輒能辨其真贗證其時代上下千古  
 纒纒如貫珠着作等身一時傳鈔幾于紙貴今夏以  
 所著唐昭陵碑攷示余凡十二卷計二十有九種各



取陔碑 月  
具論斷于後其官職姓名及年月日之與正史異者  
輒引以證新舊唐書之訛議論詳贖攷據精核直駕  
歐陽集古錄趙氏金石錄而上之亟代付梓以公同  
好嗟乎有唐至今千有餘載其政事文物之盛與夫  
勛名仕宦之炫赫一時者特恃此豐碑巨碣泐貞珉  
而垂久遠已耳而今之所謂豐碑巨碣者又復剝蝕  
于風雨烈日之中摧殘于樵夫牧豎之手向之盛極  
而炫赫一時者今安在哉自今而後又烏知剝蝕者  
不碎而爲瓦礫摧殘者不棄而爲糞壤世運之變遷  
其末流類如此也可勝慨哉可勝慨哉桂珊恐諸碑

久遂湮沒輯而成書且與正史相發明吾知此書一  
出稽古之士先覩爲快然則亡器而傳辭此若干碑  
者且如湯盤孔鼎與經史並傳不朽矣又豈有剝蝕  
摧殘之足慮耶碑因桂珊而不失其傳則斯碑之不  
朽卽桂珊之不朽也幸夫

咸豐八年歲在戊午七月吳興筱湄弟沈壽嵩撰

昭陵碑攷序

夫關中爲自古帝王之都金石遺文富甲海內攷歐  
趙諸君所輯金石錄秦中石刻十居六七千餘年來  
不幸而風雨侵之山奔水決以滅之樵夫牧豎斧鑿  
傷之曷可勝計嗚呼好古之士能不望洋興歎耶至  
唐之昭陵太宗詔勳臣密戚陪葬者二百餘人官爲  
立碑載諸正史岑于許李之文章歐虞褚薛之字蹟  
今按圖而稽十佚七八集古錄載宋時士人患官長  
誅求斧椎頻加則昭陵諸碑始遭大厄咸豐乙卯秋  
韓小亭觀察嘗謂予曰昭陵諸碑雖經剝蝕而尙有

昭陵碑攷 序  
存者曷勿仿洪文惠隸釋都太常金璫琳琅王司寇  
金石萃編之例錄其全文攷其事跡輯爲一編以傳  
宇內得非藝林之功臣乎予媿淺學寡聞未敢妄加  
管見顧有志而未逮也是歲冬道州何子貞太史自  
蜀入秦徧訪古蹟嘗偕沈仲復太史冒雪蹇驢謁昭  
陵于九嶷山每摩挲于孔祭酒虞恭公諸碑之下流  
連竟日土人疑有清地之令輒將虞薛諸碑椎毀數  
十百字亟出曉諭止之已不及矣此昭陵碑二次之  
遭厄也其存焉亦危矣哉予於庚子年拓有昭陵全  
碑凡二十九種較今本尙多百餘字洎數十字不等

因錄其全文補其闕泐以臬鐫碑之姓名額之題銜  
陰之題名兩側之題識胥詳載而不敢遺碑制之長  
短廣狹取宋三司布帛尺度其分寸並志其行字全  
數泐者無攷則闕疑之使觀者一展卷而如對古物  
焉且證諸經史小學弁夫山經地志叢書別集叅稽  
會萃覆其異同審其詳畧援據故籍益以鄙意各爲  
按語閱一寒暑而總成十二卷名昭陵碑攷噫古刻  
之幸存者若無好事者以記存之第恐年遠代湮流  
傳日少後之視今亦猶今之視昔吾切惜之此昭陵  
碑攷所由作也

成豐八年歲次戊午嘉平月孫三錫自序

昭陵碑攷目錄

當湖孫三錫桂珊甫編次

汝南公主墓誌銘

虞恭公溫彥博碑

褒忠壯公段志元碑

太常卿褚亮碑

文安縣主墓誌銘

曲阜憲公孔穎達碑

文昭公房元齡碑

豆盧寬碑

汾陰公薛收碑

申公高士廉碑

禮部尙書張允碑

衛景武公李靖碑

尉遲敬德碑

蘭陵公主碑

許洛仁碑

襄公杜君綽碑

紀國陵先妃碑

內侍張阿難碑

晉州刺史順義公碑

中書令馬周碑

阿史那忠碑

李勣碑

瑯琊公牛進達碑

清河公主碑

乙速孤神慶碑

姜遐斷碑

乙速孤神儼碑

唐儉碑

裴藝碑

石鼓經文

大隋柱國德陽公碑

昭陵陪葬碑

昭陵碑攷

同訂諸君姓氏

聊城李汝霖雲舫

陽湖呂儁孫舅叔

儀徵毛瀚季海

南康謝質卿蔚青

臯蘭曹熙績堂

瀘州倪印垣府東

興國李燁惺夫

廬江江開龍門

姓氏

歸化蕭為光珩溪

安定馬綸篤少園

成都周文郁備三

臨桂梁際殷步洲

曲阜孔憲璜涇石

金匱王昌穀東田

長甯凌任狝健亭

龍南徐德良韻坡

昭文繆樹本翰仙

成都馬奎煨眉白

成都張達五詠華

儀徵陳藻卿藝甫

宣城劉芬蘭泉

昭陵碑攷卷一

當湖孫三錫桂珊甫撰

汝南公主墓志銘

石橫廣八行行字數十二至十五不等

大唐故汝南公主墓志銘

公主諱字隴西狄道人

皇帝之第三女也天潢疏潤圓折浮夜光之采若木  
分暉穠華□朝陽之色故能聰穎外發閉明內暎訓  
範生知尚觀箴於女史言容成則猶習禮於公宮至  
如怡色就養佩盼晨省敬愛兼極左右無方加以學

殫締素藝兼鞏秩令問芳猷儀形閨闈□年□月有  
詔封汝南郡公主錫重珪瑞禮崇湯沐車服徽章事  
優前典屬九地絕維四星潛曜毀瘠載形哀號過禮  
繭纊不襲垢酪無啗灰琯亟移陵塋浸遠雖容服外  
變而沉憂內結不勝孺慕之哀遂戊傷生之性天道  
祐仁奚其冥漠以今貞觀十年十一月丁亥朔十六  
日

右汝南公主墓誌銘無撰書人名自宋以來稱述  
甚盛皆謂虞永興藁本真蹟舊在洛陽好事家今  
不知在何處也米元章嘗見之載入海岳書史及  
宣和書譜其真蹟元初在郭祐之處葉九來金石  
錄補云國初嘗見於常熟錢遵王家真宋拓本銘  
文俱全首題之次有諮議叅軍柳顏言釋智果祕  
書監虞世南書三行又改添三字古本之妙如此  
文徵仲甫田集云尙有赫赫高門等字今不可見  
此據曾恒德刻入滋蕙堂部帖本錄入首敘公主  
諱字皆空一格云隴西狄道人與蘭陵公主碑同  
攷高祖本紀稱隴西成紀人則公主亦當仍其舊  
貫稱狄道者何也金石萃編云攷唐書地理志狄  
道漢屬隴西郡晉改爲武始縣隨復舊爲狄道唐

屬臨州成紀漢屬天水郡唐屬秦州開元二十二  
年徙新城是開元以前成紀尙存而與狄道道里  
遠隔又非一縣更名而李氏或稱成紀或稱狄道  
殊不可解余檢宗室世系表證之云李氏出自嬴  
姓帝顓頊高陽氏之後漢有李仲翔官河東太守  
征西將軍討叛羌於素昌戰沒贈太尉葬隴西狄  
道東川因家焉生伯考隴西河東二郡太守生尙  
成紀令因居成紀是皆唐室之遠祖據此則成紀  
狄道俱可爲李氏族望諸碑之或稱成紀或稱狄  
道迨本此歟復檢劉昫舊唐書地理志證之天水  
郡武帝分上邽置隨復於上邽置秦州然則天水  
郡秦州皆分上邽縣置是上邽本屬隴西郡成紀  
之屬隴西非無所本蓋仍其舊所屬也金石萃編  
謂爲成紀屬隴西道里懸殊殆朱細審地理志耳  
又攷潛研堂金石文字跋尾云碑志稱某郡某縣  
人所以表其族望若出自親王公主乃天家肺腑  
其姓望世所共知何必拘此成例此志稱狄道人  
似未通乎尊王之義矣而攷之開元時如金仙代  
國鄜國涼國諸公主碑俱不載其屬籍與唐初有  
不同也誌稱公主皇帝之第三女新唐書公主傳

汝南列第二亦猶蘭陵公主碑稱十九女傳列第十二是當以志為正誌云毀瘠載形哀號過禮不勝孺慕之哀遂戊傷生之性蓋主以文德皇后薨逝哀毀而隕攷文德皇后薨於是年六月誌正指此也戊字於文義不可解疑成字失寫一筆金石萃編謂為威字是滅字之省也後云貞觀十年十一月丁亥朔十六日指公主之薨太宗本紀載文德皇后葬於十年十一月庚寅據此志十一月為丁亥朔庚寅月之四日也蓋后葬後十二日而公主薨也文獻通攷載昭陵陪葬無汝南公主惟陝西通志及長安志有之游師雄昭陵圖有汝南公主墓在高密公主墓右此志可入昭陵諸碑之內公主以貞觀十年薨在諸碑之前故列此志於第一也

虞恭公溫彥博碑

碑以宋三司布帛尺度之高八尺二寸五分廣三尺九寸二分額高一尺八寸二分廣一尺四寸文三十一行行七十七字額題大唐故特進尚書右僕射虞恭公溫公之碑篆書十六字在醴泉縣北二十五里烟霞洞西昭陵南十里

唐故特進尚書右僕射上柱國虞恭公溫公碑

空十一格

中書侍郎 下關 歐陽詢書

昔者帝媯升廟諱九官奮其庸有周誕命六卿揚其  
 職國鈞摠於公□□乎□□朝歸於臺閣成乎□晉  
 雖淳□□□□□□□□□□□□□□□□□□□□  
 □□□□□□□□□□□□□□□□□□□□□□□□  
 帝載□□盛德建□□□□□□□□□□□□□□□□  
 也若夫  
 昂宿麗天感其靈者人傑嵩嶽鎮地降其神者國楨  
 叶□夢於龍□□□□□□□□□□□□□□□□□□  
 於舟楫其□□也□庸器□□□□□□□□□□□□  
 □□其□也□□□□□□□□□□□□□□□□□□□  
 豈□□□□□□□□□□□□□□□□□□□□□□  
 臨系姬文之遠  
 復□□矣公太原祁人諱□□□□□□□□□□□□  
 胄派唐叔之遙源食邑河內世功開其緒著姓晉陽  
 世德派其祚雖復安國名震□□□□□□□□□□□□  
 □□□□□□□□□□□□□□□□□□□□□□□□

義□□□於□□晉之勲烈□真□於□□猶培塿  
 之望□□潢□之□□□□祖裕魏太中大夫言為  
 准的行成表綴廊廟翹首搢紳結轍仿公叔而比德  
 為思□而□馳風追□□倅□□華州司馬皇朝  
 □贈魏州刺史聚螢勵學夢鳥□文名冠洛中望隆  
 □下孔門密子□□不顯於當時潁川陳君哀榮無  
 聞於異代能兼之者不亦優乎公□兩儀之□□□  
 百□之懿德□□義以明之□禮讓以□之□能內  
 □常懷所以自維□□□遠識所以知其洋洋焉  
 若洪河之東注巖巖焉猶華岳之西峙若乃三德六

行列聖之所□也舉厝必踐其域□□略先□之

所□也□息□□□□□□□□□□□□□□雲

蜺以達土淪□□□與然則高臺凌霄始於覆□

□維地肇自涓流是以平津筮仕由賓王而佩印

文□創業階□吏而命禮義□□範同符前烈□開

□□□□□□□□□□□□□□□□□□□□

時隆□□依□□朝□□薛道衡□宗□肆

牢籠多士太子洗馬李綱直道正辭羽儀海內並下

堂見禮倒屣定交□遠相稱莫逆遠□能□趙□之

□□□□□□□□□□□□□□□□□□□□

□□言坐宣室而□道誼乃授通事舍人歛笏鳳

池垂紳鸞閣瓌姿月舉韶音玉振每至文武在列華

裔近庭對越於青蒲□□□丹墀之□□□□

□漢苑□□其□□洪□□□□□□□□□□□

乃思賢□餘慶具□之工隅猗歟雅度在乎經國大

業之始以親喪去官孺慕之感哀毀之極與夫長孫

居□□龍□□豈其能而□□□□□□□□□□

□煬帝□□□□□□□□□□□□□□□□□

□□□□□□□□□□□□□□□□□□□□□

反詔公衙命蕃境申明臣節陳之以逆順□暢國威

□之以禍福遂□□□芬亞□□□  
 □蓋齡□□□□□焚□之刑豈如郭公申  
 禮□□□遼海張騫擁節無功於月氏又以公為東  
 北道招慰大使屬天地橫潰華戎版蕩□□而牧野  
 郊原□祥之師□費□□□□□  
 我高祖□□□震□□□而御天憑□握□□之符  
 授越遷夏商之鼎艾綬銀章弓旌先於髦俊建社班  
 瑞光寵屬於勲庸庶績所以咸凝□□然□□□  
 授公□□□□□摠管府長史□□□公□□□  
 □□□□□雖連率摠其方□□□毗

其政形而滅沒不羣豈蹉跎於吳阪清越振響終特  
 達於章臺徵為中書舍人遷中書侍郎□周建□遠  
 □□□□□其歷□則□□美於□□以其得人則  
 孝若飛聲於洛下云誰嗣響復在茲焉屬獫狁縱慝  
 疆場受駭甘泉□□□之火雲□列□□之傳□□  
 □□□□□在□□甘瑜之臣乃以公為行軍長史十  
 萬之師方絕大漠五餌之術必繫單于而南風褰律  
 □之□北□肆豺狼之毒衛尉趨奇□□□□□



之位二圖天道□斗極之運四時下料人事邁元愷  
 之贊百揆 聖朝欽若□典憲章往代懷礪溪□□  
 □想傷□而□□□公□□□□□□□□□□  
 □□□□□□□□臨□而□□□□觀□□□南宮  
 之故□□□□道勤行而不倦歷送前哲仰止而無  
 怠是以忠□寬裕□內恭之□□虛□□□□之  
 度□□□□□□□□□□□□□□□□□□□□  
 □□□□□□□□□□□□□□□□□□□□□□  
 忘於忠恕損益之義皆出於仁厚違規矩枉尋尺光  
 其家而弗為利社稷安億兆□其身而無悔肅肅焉

濟濟焉□□□□□□□□□□□□□□□□□□□□  
 □□之毀□□□□□□□□□□□□□□□□□□□□  
 所同必擇善以利物意之所異不是己而違人闢德  
 義為宮墻包禮及□□□□□□□□□□□□□□□□  
 □□□□□□□□□□□□□□□□□□□□□□□□□□  
 而篤久要位高矣□□茲□□祿厚矣治□□約以孝  
 敬之道移於哲兄慈惠之心洽於猶子允所謂朝廷  
 之棟幹□□之橋楚焉以貞觀十一年□□□□□□□□  
 □□洛陽□□□□□□□□疾□動□寄深□公□□□□  
 □恩息股肱□□□□□□□□於道路名□□陳其方技遂



藹藹高門世膺顯命堂堂盛德家襲餘慶抗節飛其  
扶危流詠軒蓋接□珪璋□映□□□□□□□□□□

□□□□□□□□□□藝□德財成□□範圍儒墨

非馬擅奇雕龍貽則發跡素里馳聲上國仲舒揚庭  
吾丘待□數□□□□□□□□□□□□□□□□□□

□□□□□□□□□□釋釣滋泉陳謨德顯定策功

宣縱壑纒驚搏風初矯密勿鸞閣便繁鳳沼仲舉性  
我□□□□□□□□□□□□□□□□□□□□□□

日稅駕天府夷體泉室麟閣圖形鳥□騰實悲纏□  
鑄丹□□□□□□□□□□□□□□□□□□□□□□

恩□□□□□□□□□□□□□□□□□□□□□□

右碑按金石萃編所載全文多八十三字舊有而  
今磨泐者四十一字舊時所無今尚能辨識者一

百二十八字萃編云首闕三行當時撰書篆額人  
銜名此本前無闕泐首題結銜之下空十二格書

中書侍郎闕下當是撰文人銜名此行之下有歐陽

詢書四字顯然可讀金石諸書俱云岑文本撰歐陽詢正書因攷岑文本傳文本于貞觀初由中書舍人授侍郎與碑題合則此碑爲岑文本撰歐陽詢書無疑矣金石文字記云公以貞觀十一年十月陪葬昭陵碑有貞觀十一年及塋兆昭陵之側并給東園祕器等字則公之陪葬昭陵在貞觀十一年是矣蓋當時陵名已先定也唐會要載貞觀十八年帝謂侍臣曰昔漢家先造山陵旣達始終身復親見又省子孫經營不煩費人功古者因山爲墳此誠便事九嶷山孤聳迥絕因而旁鑿可置

山陵處朕有終焉之理乃詔營山陵于九嶷山之  
上足容一棺而已務從儉約據此似昭陵作於斯  
時而太宗本紀載貞觀十年十一月庚寅葬文德  
皇后于昭陵此又在葬溫公之前一年是爲先定  
陵名之確據可以證會要之訛又碑有禮部侍郎  
令孤德棻云云萃編所不及攷新唐書德棻本傳  
棻以貞觀三年遷禮部侍郎官位與碑相合萃編  
云新舊史彥博本傳但稱父君愨北齊文林館學  
士隋泗州司馬碑有祖裕魏太中大夫此兩史所  
不載攷宰相世系表溫氏出自姬姓漢有溫疥封

栒侯謚曰順生仁仁子何始居太原祁縣何六代  
孫序字次房後漢護羌校尉二子壽益壽鄒平侯  
相益字伯起兗州刺史生恕孫恢魏揚州刺史生  
濟南太守恭恭二子羨懺懺晉河東太守生疇字  
太真江州刺史始安忠武公從子楷隨桓謚奔後  
魏兄孫奇馮翊太守曾孫裕太中大夫生君攸公  
卽君攸次子萃編云彥博祖裕魏書無傳惟晉史  
溫羨傳羨子裕字叔嗣尙武安公主官至左光祿  
大夫與碑之太中大夫不合因羨亦太原祁人與  
恭公同貫疑是一人而攸之世系表羨於裕相隔

時代久遠非羨之子則明甚惟新唐書作君攸與  
表同舊書作君攸未知孰是惜碑闕泐無從攷證  
歐陽公集古錄跋顏勤禮碑云唐書溫大雅字彥  
弘弟彥博字大臨弟大有字彥將兄弟義當一體  
而乃名大者字彥名彥者字大不應如此蓋唐初  
名字混淆如房元齡字喬顏師古字籀而亦有稱  
喬籀爲名者至封德彝名倫高士廉名儉此皆以  
字行在唐時固不必有所避忌而乃以字行焉風  
俗相尙初無義理宰相世系表載衛景武公李靖  
字藥師而其兄名藥王弟又名客師正與溫公兄

弟名字相類無足怪也碑云當朝碩望如薛道衡太子洗馬李綱直道正辭羽儀海內並皆下堂見禮倒屣定交公爲薛道衡李綱所器本傳獨不載及而公兄大雅傳云薛道衡見之嘆曰三人者卿相才也公弟大有傳云隨仁壽中李綱薦之授羽林騎尉蓋公兄弟三人皆爲薛李所見重彥博傳不載者以二傳皆已及之矣又云後或斛斯政出奔高麗旣而乘轅南反詔公銜命蕃境申明臣節陳之以逆順曉之以禍福豈如郭公申禮空旋於遼海張騫擁節無功於月氏公在隨未曾使高麗

後人指爲唐武德時突厥入寇王師敗績公沒於賊庭事皆由碑文殘闕攷証多所不實耳碑云方絕大漠審其文義當是大漠書者之誤又云家門之橋楚也當作翹楚橋翹音同借用字也碑云仿公叔而比德萃編作公督報恩闕庭作報息奉詔起復作起後曰回溪而薄九霄作自回馳遊閭闔作閭閻持以慈和作茲和恩篤股肱作息篤此皆王氏之誤至飛聲於洛下翻本作浴下枉尋尺光其家作在尋尺此翻本之誤也文中則奏全唐文作則夫亦誤也前明苟好善修醴泉志載昭陵二



齊□□□□□川太守德元□俗政治唯良考攸師  
散騎常侍益都縣開國公贈洪州都督八州諸軍事  
謚信公勤邁乎□功銘□器公稟峻極之秀氣□□  
萃之□□□□□孝□踐□基於忠烈□表瓌奇  
器量宏遠峩峩焉猶曾峯之峙嵩霍滔滔焉若清流  
之澄江漢故能齠年立志冠歲成名質性方直□希  
於汲黯交結□□□□□隨大業□薄伐  
遼左公占募從征年始十四夫兵戰凶危也遼碣遐  
阻也童牙而從兵戰忘□而涉遼碣□□□識基  
於是矣 高祖道踰湯武□□□今上地兼魯

衛爰始登庸公附翼方舉攀光旭旦委質邁奔走之  
臣就列踰蜀漢□□初□軍頭朝散大夫從 上破  
西河遷朝請大夫□□破宋老生於霍邑遷銀青光  
祿大夫昔舞陽策名從沛邑而力戰子衛效命臨昆  
陽而先登□□茂勲方駕前列又與柴紹劉文靜破  
□□和屈突通累遷右光祿大夫□□封臨濟縣  
侯食邑□百戶又從 上討薛舉劉武周以功授樂  
遊府驃騎將軍進封武安郡公食邑并前二千戶公  
勇冠三軍氣高□戰驪馬雷發則□□必□□旗雷  
□則□城□旅是以紆金章於巖廊苞舉樊鄴分桓

珪於奧壤牢籠寇鄧君子以為宜哉又從上平王  
 世充□□□第一□□□授□子□□尋遷□□□  
 □□□上初踐少陽無忘惟舊除左虞侯率及膺  
 寶命言念嘉庸拜左驍衛將軍若乃盡節兩朝遭□  
 □□□□□□□□□方召於往□□□□□□  
 □忠孝□令孰能恩隆善賞禮優夜拜者哉俄賜  
 別實封四百戶遷左驍衛大將軍又為梁州□□懷  
 雍岐□州□□□進封□國公食邑□千戶□□  
 實封□□戶通前□百戶又以本官檢校原州都督  
 又統承風道行軍討吐谷渾丁父憂未幾起復本任

文德皇后山陵檢校右武侯大將□□□  
 □□□之功□紀於□府加等進秩□寵歲重  
 於周行而司勳授冊天下所以勸善良史執簡後昆  
 所以欽風□□覽前書□惟近代□□五□貽  
 □□□金州諸軍事金州刺史子孫承襲改封褒國公食邑  
 如故與司徒趙國公等同受冊命從謁□陵□檢校  
 武侯大將軍尋遷右衛大將軍□□□□□□  
 □□□□□□齊聲內典鈎陳與幸趙而方軌非  
 聖帝不能疇茂績非奇才不能取高位於是見君臣

之合契唱和之如□焉又丁母憂□□□本□□  
□□□□□禮□著腰劍□錡懷蓼莪而疚心泣  
血苦廬瞻几筵而增絕銜恤成疾致毀遽漸中使結  
徹於□間□□奇於藥劑上□□心膂慈深  
覆育親□鑿□就□□問旣班□貴又詣所言公銘  
戴恩私對揚忠到城郢之志豈惟楚臣慎赦之言  
寤慙□相旣而子輿日□平仲不□類彼劉□遊□  
宗□□□□□□□□□嗣以貞觀十六年  
□月十八日薨於京師之醴泉里第春秋卅五上  
情深悼傷舉哀於別次雖□后之疴第孫□君之悲

仁祖方之篋如□□□詔□□□之□□於念  
功勸善之義實深於追往故鎮軍大將軍右衛大將  
軍褒國公段志元器宇敦確風略沉毅委質運始宣  
力□□效勇節於麾□功勒□□□□□誠  
□□方□□歷永寄心膂與善冥默奄焉殞喪震  
悼之情倍深傷惜哀榮之典宜加恒數可贈輔國大  
將軍使持節都督揚和□潤常宣歙七州諸軍事揚  
州□□□官□□如故於昭陵□□□塋地并東  
園祕器葬事所須並宜官給賻布絹五百段米粟一  
千石四品一人監護其儀仗送至墓所仍送□事

上又追懷功烈乃 詔司存圖形於戢武閣太常考  
 行謚曰忠壯公禮也惟公氣岸崇峻墻宇□深□樹  
 幡旗□懷□□□□□□□□□□□□□□□□猛志  
 □雲挹貔貅而靡懼高節邁俗觸雷霆而不驚遂乎  
 河出馬圖腰佩□紐爵兼千乘裂□□之膏腴位□  
 □□極漢庭之榮寵□□□□□□□□□□□□之  
 道克□於家國仁義之風不愆於出內懷公孫之不  
 伐慕孝甫之循犗行戎剛□晦其扛鼎之力言思木  
 訥韜其涌泉之慮加以敦睦宗族久□□□□□□□  
 □□□□□□□□鄉黨靈□□□□□□□□□□□□  
 □□□□□□□□恕己以及物仁心天發

輕財以濟窮豈非朝廷之爪牙人□之領袖者已故  
 吏□名等慨徽音之遂往懷遺愛而□□□請書□  
 □□□□□□□□之房□□□碑於□□之庾亮猶  
 勒銘於江表况乎誠著草昧功叅征伐顧灌□而俯  
 視軼寇賈而長驅豈可使改名之□有覩□□□□  
 □之□□□□□□□□□□□□□□□□為□頌曰  
 方叔詠周條侯稱漢東都御錄昭伯翦亂西晉握圖  
 □治作翰美矣人傑於焉□□奇節自然瓌姿□發  
 □□□□□□□□□□□□□□□□方□日月氣薄霄漢  
 □高雲闕王業肇建帝道既融策名若水披荆漢中

腰鞬靖難提戟臨戎斬良□勇括羽定功鑄□職  
 刑馬□□□□□入□□□□□□□□□□  
 □□之榮超張□許志大心小位隆德盛奉國忘身  
 惴惴畢命事親竭力蒸蒸表行莅事以勤臨下以敬  
 銜恤在疚奪情□職瘡□愈遲毀□□□□□□□  
 □□盡□藏舟難工奔羲易吳 冕旒興哀縉紳掩  
 淚恩踰九列禮亞三事何以贈之戎章□備何以送  
 之鉦車按轡勒銘貞石義兼庸器

右段志元碑文約一千九百餘字今就所存字攷  
 之尙有一千三百許字無撰書人名碑文敘事處

多磨泐就可讀者證之與新舊唐史頗多不合碑  
 云君諱□字志元兩史但云段志元不云別有諱  
 也金石錄云鄒平人關中金石記云尙有鄒平字  
 世系表云世居武威志元父始居河南兩史俱云  
 齊州臨淄人金石萃編以舊唐書地理志攷之云  
 武德元年置鄒州領臨濟蒲臺高苑長山鄒平五  
 縣八年廢鄒州鄒平屬譚州譚州廢屬淄州臨淄  
 縣屬青州頗疑傳稱齊州臨淄是臨濟之譌今細  
 審碑文隱約尙能辨識確然齊州二字州下一字  
 从卩萃編謂爲郡字然旣稱齊州不能復加郡字

其為鄒字無疑鄒下平字尙存形似當從趙畢二錄作鄒平是也碑云謚忠壯與舊唐書及宰相世系表合惟新唐書本傳作壯肅誤也碑云祖□官齊闕川太守世系表但云段氏出自姬姓鄭武公子共叔段其孫以王父字為氏漢有北地都尉邛世居武威十四世孫後魏晉興太守紛五世孫偃師徙河南不著志元之祖名傳云志元父偃師仕隨為太原司法書佐從義師官至郢州刺史碑則云散騎常侍益都縣公世系表又云官太子家令未知孰是然皆不及其祖又碑云公從征年始十

四從上破宋老生於霍邑遷銀青光祿大夫新舊史皆作歷左光祿大夫從劉文靜破屈突通遷闕封□濟縣侯食邑□百戶新史云授樂遊府車騎將軍舊史云驃騎將軍俱不及封爵食邑碑云從上討薛舉劉武周以功授樂遊府驃騎將軍進封武安郡公食邑并前二千戶兩史俱不載破薛舉劉武周事兩史云破竇建德平東都功又居多遷秦王府右二護軍碑云從上平王世充下闕數十字則不可攷矣又碑云上初踐少陽不忘惟舊除右虞侯率拜右驍衛將軍兩史俱云太宗卽位累

遷左驍衛大將軍封樊國公食實封九百戶此碑傳互有詳略碑云梁州雍岐□州闕以□官檢校原州都督又統承風道行軍討吐谷渾兩史所不載碑云丁父憂起服本任文德皇后山陵檢校闕下疑卽指史云文德皇后之葬也公與宇文士及分統士馬出肅章門太宗夜使宮官至二將軍所公閉門不納之事惜碑磨泐無從攷証傳云與尉遲敬德等同誅建成元吉碑獨不載何也傳云十六年寢疾太宗親臨視涕泣而別碑止云以貞觀十六年□月十八薨於京師之醴泉里第春秋卅五上情深悼傷舉哀於別次又云慈深覆育親□鑿□此似指親臨視疾之事惟本傳不書卒年略也新舊史俱云十七年正月詔圖形於凌烟閣此碑立於十六年故不書止云圖形於戢武閣金石諸家俱以戢武閣爲不可攷趙德甫云疑凌烟閣先名戢武後乃改焉按太宗實錄載太宗嘗與公卿謁太上皇於戢武殿置酒爲歡乙夜方散長安志云戢武殿在太安宮唐會要載太宗藩邸太安宮有戢武殿然則戢武殿卽碑所謂戢武閣是也新舊唐書俱未載及此可以補兩史之遺碑云授樂



蒙梁儀同廬陵王東閣祭酒太子中舍人東朝沃誥

上邱披襟韜略敬

政霞綺敷動名教於搢紳映徽猷於僚采府君辰

緯凝曜川岳降靈黃帝師之元象之

與風松俱遠汰鈇芳於筆海架子匠於天材山

之陽春和之後侍

三居丁秘監府君憂哀號致毀

幾將滅性陳後主棲神雅什纂厯鴻圖景暖春坊雲

子而曾命皎屬

允膺嘉選隨開皇九載平陳府君南朝冠冕京謁

見家國淪衰不求聞達

不

忠信乃達禮之源凡厥益多

分庭大業七年授太常博士彝倫為施政之本

佳渙

益多

為施政之本

佳渙

益多



人柳氏亦同安厝樊慕無之哀榮

老莊之齊致同李郭之清塵言行無爽於庭

蘭忠慎有踰於溫樹洞屋河之柳蔭貫

策名侍近時逢靜亂早擅

文房預參帷幄恭承嘉盼乃留情於啟沃咨曰

亦秋門滄浪之際遠諧

清放之前所製文集撰成廿卷咸為

詔侍奉述

作陳流詠

子充普州長史襲

封陽翟侯遂賢撫瞻霜露永懷罔極歲月緜遠淒涼

荒壟

烏虜式

刊貞石敢為銘曰

鬱暎遙源曾華胄緒慕祿承業昭鉤柝宇粵自恭公

祚流子褚德

聲珪

聲珪

聲珪璋遂襲燮佐光才家崇晉去國喪陳來

語默雖切榮名詎摧一

□ 措紳遴映忠孝名揚青蓋象屯金陵氣竭利在攸  
往誕生聰哲二陸道存三張譽折□□□□□□□□

□  
□  
遊學府門庭雅素意緒薰

華賦樓光沼文閣生霞琴延夕月酒汎晨花老萊□

壽□□□家□□□□□□□□□□藻譽無虧緒冠

蓬瀛義標科籀神理凝綸清文挺秀蔚郁才林超揚

詞囿□雲近□□□□□□□□□□

右褚亮碑無撰書人名分書頗似馬周碑故世稱

殷仲容書碑首題銜著金石萃編已不及見今尙

有十餘字可辨大唐故宏文館學士贈太常卿陽

翟十四字卽以碑文較之與萃編亦多至一百二

十餘字碑云府君諱亮字希明河南陽翟人也新

舊唐書褚亮傳稱亮杭州錢唐人其先自陽翟徙

居焉元和姓纂自有錢唐褚氏見於史傳者在晉

則有褚陶在齊則有褚伯玉在梁則有褚修皆不

與亮同系萃編云亮與遂良舊宅實在錢唐咸淳

臨安志皇城圖城東有褚氏舊宅卽亮居也今名

其地曰褚家塘其居爲昭忠祠里曰忠清屬仁和

萬厯杭州府志稱其祠爲遂良故居實卽亮居也  
以宰相世系表證之褚氏元成間有褚先生少孫  
裔孫重始居河南陽翟裔孫招安東將軍揚州都  
督關中侯孫碧字武良晉安東將軍始徙丹陽自  
丹陽再徙錢唐史傳俱不載碑稱陽翟承其舊貫  
爾碑云府君十一代祖安東將軍揚州都督關內  
侯而闕其名世系表褚氏始居陽翟之裔孫招官  
位與碑載合然招爲亮十三代祖非十一代而招  
之孫碧正十一代祖亦官安東將軍碑缺其名疑  
卽碧也碑云宋侍中齊東陽太守復爲侍中吏部

尙書贈太常卿謚曰貞子而闕其名當是亮之高  
祖炫也南史褚炫傳炫字彥緒由正貞郎遷中書  
侍郎司徒右長史昇明初以清尙與彭城劉侯陳  
郡謝朓濟陽江斅入殿侍文義號爲四友齊皇建  
中爲侍中領步兵校尉出補東陽太守前後三爲  
侍中永明元年爲吏部尙書改授散騎常侍領安  
成王師以本官領博士卒贈太常卿謚貞子此可  
以補碑載之闕碑敘亮之曾祖文已全泐世系表  
載炫子漢梁御史中丞中書侍郎新舊唐書稱亮  
曾祖湮梁御史中丞南史炫傳炫子湮字士洋任

梁爲曲阿令歷晉安王中錄事正員郎烏程令還爲太尉屬延陵令中書侍郎太子率更令御史中丞湘東王府諮議叅軍澧之爲縣令也清慎可紀碑有云□□清譽正敘澧也惟諸書所載名字不同惜碑殘泐無從定其孰是也碑云蒙梁儀同廬陵王東閣祭酒太子中舍人蓋指亮之祖也世系表載亮祖象官太子舍人南史澧傳稱澧子蒙位太子舍人新史亮傳但云曾祖湮父玠而不及其祖畧也舊史云官太子中舍人與碑合隨書百官志太子中舍人四人舍人十六人隨制大率承梁陳之舊當以碑爲正至世系表稱名爲象則更誤矣碑敘亮父玠文已全泐有云丁祕監府君憂世系表云亮父玠字溫鍾陳御史中丞掌東宮管記南史稱字溫理陳天嘉中兼通直散騎常侍聘齊還遷中書侍郎除山陰令還都後遷御史中丞甚有直繩卒於官太子親誌銘以表舊史云至德二年贈祕書監所製章奏雜文二百餘篇皆切事理由是重於世惟東宮管記傳未及焉舊唐書經籍志新唐書藝文志載褚介集十卷卽碑云雜文二百餘篇是也惟志作介當是傳刻之誤碑載亮歷

官可見者有云隨開皇九載平陳大業七年授太常博士又云以爲黃門侍郎雖霜威見屈而風槩彌竦蓋指爲薛舉黃門侍郎也又云武德元年延爲文學太宗監國改授中允貞觀元年封陽翟縣男食邑七百戶休老於家貞觀廿一年十月一日寢疾而薨太宗爲之廢朝悼深流涕賜東園祕器葬事所須並宜官給儀仗鼓吹送至墓所新史亮傳云陳後主累遷尙書殿中侍郎入隨爲東宮學士遷太常博士坐與楊元感善貶西海司戶後爲薛舉黃門侍郎舉滅授王府文學貞觀中累遷散

騎常侍封陽翟縣侯老於家卒年八十八贈太常卿陪葬昭陵謚曰康武德四年太宗爲天策上將軍寇亂稍定乃作文學館聘賢才於是下教以杜如晦房元齡于志寧蘇長世薛收褚亮姚思廉陸德明孔穎達李元道李守素虞世南蔡允恭顏相時許敬宗蓋文達蘇勗並以本官爲學士命閭立本圖像使褚亮爲之贊題名字爵里號十八學士天下所慕向謂登瀛洲舊史亮傳所載歷官同惟貞觀元年爲宏文館學士九年進授員外散騎常侍封陽翟縣男拜通直散騎常侍學士如故十六

年進爵爲侯較新史比詳並可以補碑之闕泐碑  
又云夫人柳氏亦同安厝文獻通考云貞觀十八  
年帝謂侍臣曰凡功臣密戚請陪陵葬者聽之若  
父祖陪陵子孫從葬者亦如之而未及陪臣之妻  
從葬據碑可補文獻之遺碑有云所製文集成廿  
卷與藝文志合又云粵自恭公祚流子褚按宰相  
世系表褚氏出自子姓宋共公子段字子石食采  
於褚其德可師號曰褚師生公孫肥子爲褚氏褚  
乃子姓商之後也史家作共公五刑志作恭公與  
碑同篆體恭本作燕見齊侯鐘左隱元年傳及共

叔段潛夫論志氏姓作恭成七年傳楚共王魯晉  
楚語說苑淮南子並作恭莊廿四年傳德之共也  
後漢書翟輔傳作恭左僖十年傳改葬共太子檀  
弓作恭世子釋文共本亦作恭漢五行志引同左  
行共華通志氏族畧共氏亦作恭氏成十五年經  
宋共公漢五行志作恭僖十七年傳衛共姬廿七  
年傳杞不共也釋文本亦作恭昭七年傳三命滋  
益共孔子世家作恭十一年傳不道不共漢五行  
志作恭十六年傳無有不共恪釋文作恭廿八年  
傳共子之廢釋文本亦作恭詩韓奕箋云古之恭

字或作共是共恭爲借用字本可通也

